

OBSERVATIONES
MEDICO - PRACTICAS SELECTIONES
DE

MORBIS
COMPLICATIS ET INTRICATIS,
EORUNDEMQUE DIAGNOSIN
ET CURAM

CONSENSU

GRATIOSAE FACULTATIS MEDICAE
IN ALMA LEVCOREA

SUB PRAESIDIO

N. D. CHRISTIANI VATERI

THEOLOG. P. P. ET PHYSIC. PROV. SAX. CONSILIARII CUR.
ET ARCHIATR. ANHALT. ETC.

DOMINI PATRONI, PRAECEPTORIS ET STUDIORUM SVORUM
PROMOTORIS

OMNI OBSERVANTIA AETERNUM COLENDI

PRO LICENTIA

IMMOS ET DOCTORALES IN ARTE MEDICA

HONORES AC PRIVILEGIA RITE CONSEQUENDI

D. NOVEMBR. ANNO MDCCXXVIII

IN AUDITORIO MAIORI

HORIS ANTE ET POST MERIDIEM SVETIS

ERUDITORUM EXAMINI SVBIICIET

IACOBVS KOPPEHELIVS

IVTREBOCENS. SAXO.

VITEMBERGAE, LITERIS VIDVAE GERDESIAE

PERILLVSTRI
EXCELLENTISSIMO DOMINO
DOMINO
GEORGIO
GVILIELMO
DE
MAHRENHOLTZ

S. R. I. LIBERO BARONI
POTENTISSIMI
AGNAE BRITANN. REGIS
VICVLARIO INTIMO, ET COLLEGII
CANONICOR. TEMPLI CATHEDRALIS
QVOD MAGDEBVRGI FLORET,
SENIORI ET CANONICO
SPLENDIDISSIMO, GRAVISSIMO ETC.
INASTAE IN GROSSCHWÜLPER, NIENHAGEN,
SYLEA, DÖHREN ETC.
DOMINO ET MAECENATI SVO
GRATIOSISSIMO

HANC DISSERTATIONEM INAUGURAM
IN SUBIECTISSIMAE MENTIS TESSERAM
ET GRATISSIMAE MEMORIAE DOCUMENTVM
CVM VOTO PERPETVAE FELICITATIS
SACRAM ESSE CVPIT ET OFFE

RESPONDENS



PROOEMIUM.

Si morborum fere omnium cura admodum laboriosa et difficilis, illorum certe praeteris talis est, ubi plures, iique saepius diuersi, ex uariis, imo inter se contrariis causis, in diuersis quoque uisceribus latentibus, oriundi, in uno eodemque aegro concurrunt, ita, ut Medicus in consilium et auxilium uocatus, primo intuitu saepe nesciat, quis, qualis et quantus ille sit? quis alteri praeualeat, plus urgeat, plus periculi habeat, opemque citiorem praeter aliis sibi postulet? nisi ratione et experientia satis instructus, omnium

mnium illorum eorundemque causarum, et subiectorum radicalium signa diagnostica non solum, sed etiam prognostica certa et infallibilia satis intelligat, et ex arena statim, uti dicitur, consilium et auxilium, cuius causae accommodatum ferre possit : Saepissime etiam unus alterum, imo plures morbos in uno eodemque subiecto, eodem tempore excipit, producit, auget et mutat, ut neuter eorum absque reliquorum respectu iudicari, uel curari queat. Vnde sane apparet, quanta prudentia et circumspeditione opus sit, ne Medicus in curandis eiusmodi aegris ipse fallatur et alios fallat, sed quemlibet morborum complicatorum accurate diiudicet, quomodo inter se cohaereant, quisnam prae aliis praeualeat, uel alios producat, foueat, uel augeat, probe distinguat. Id quod uno uel altero exemplo, quae inter aegros **MAGNIFICI DN. PRAESIDIS** obseruaui, nunc illustrare et confirmare conabor.

OBSER-

OBSERVATIO I.

Aeger LVI. annorum, temperamenti sanguineo - cholericum, genio suo, imprimis irae aliisque animi pathematibus maxime indulgens, a duobus fere annis praeter dolores arthriticos, cum tumore et inflammatione pedum saepe coniunctos, tandem singulis fere diebus, magis tamen noctu, tam hyeme, quam aestate, sudoribus nimis, et purpura fatigabatur, tandem, interueniente graui alteratione et terrore, simul asthma cum ingenti praecordiorum anxietate, tussi sicca et dolore pectoris punctorio, quasi urente et usque ad scapulas se extendente, accedebat, quem mox tussis humida cum expectoratione larga sputi cruenti et purulenti sequebatur. Hinc quaerebat, qualis sit morbus? unde oriatur? an et quomodo curari possit et debeat?

THESIS I.

Ex omnibus istis circumstantiis statim apparet, morbum hunc non simplicem, sed pluribus aliis complicatum esse; concurrunt enim hic signa pathognomonica Cachexiae scorbuticae, in specie calidae et siccae, porro
arthri-

*Diagnosis
et Pro-
gnosis.*

arthritidis et podagrae inflammatoriae, sudoris colliquatiui, cardialgiae, asthmatis, tussis, modo siccae, modo humidae, imo corruptionis et exulcerationis pulmonum, indeque ortae haemoptysis et sputi purulenti; qui sane morbi omnes ita comparati sunt, ut uel unus ex his mortem inducere possit.

THES. II.

Scorbutus. **E**t quidem Cacochymiam ac Cachexiam istam scorbuticam iam tum ab aliquot annis fomitem suum habuisse in aegro hoc, testatur eius temperamentum cholericum siccum haereditarium, annis crescentibus et deinde accedentibus erroribus in diaeta uariis successiue auctum, quando a iuuentute genio suo, irae imprimis, uti referebant, et uini potui largiori indulgit saepius.

THES. III.

*Arthritis
naga.* **E**x eadem Cacochymia falsa et acri etiam ortum suum habebat arthritis et podagra, tumoribus extremorum erisypelaceis comitata; Ea siquidem pro diuersitate subiectorum, temperamentorum, aliarumque causarum concurrentium huius affectus indoles est,
ut

ut modo sine tumore et inflammatione, modo cum eadem, ut in nostro aegro, affligat; ubi scilicet sanguis eiusdemque serum impuritatibus salinis, plus minus acidis uel falsis, uiscidis nec non biliosis refertum, reperitur, necessario inter partes extremorum membranofas eo magis turgescit, fibras nerueas ibidem distendit, pungit et premit, unde dolor tam acutus inducitur; imprimis circa uesperam et noctem, ubi propter aëris densitatem maiorem, humores eiusmodi morbofi magis inspissantur, consequenter transpiratio difficili-
or redditur, indeque dolores eo magis augentur.

THES. IV.

Idem serum uiscidum, falsum et acre circa *Asthma*
praecordia, inter uentriculi non solum, sed *conuulsi-*
etiam hepatis et lienis, imo et pulmonum *um.*
uasa congestum, et in motu suo impeditum
efficiebat quoque asthma illud distensuum et
conuulsium. Quam facile enim fieri potest,
ut sanguis eiusmodi falsus uiscidus, ad sta-
gnationem alias procliuis, ab aëre frigido, per
respirationem continuam hauriendus, in illis
locis eo magis restitet, consequenter motum
B dia-

diaphragmatis et musculorum thoracis, quem respiratio maxime requirit, impediat.

THES. V.

*Exulce-
ratio pul-
monum.*

Ipforum uero pulmonum¹ tunicas et uesiculas eodem sanguine et sero feruido iam tum erosas fuisse, testabatur non solum dolor urens in pectore, usque ad dorsum se extendens, sed etiam reiectio sputi copiosi sanguinolenti et purulenti; quae reiectio, quia non per uomitum, neque sreatum, sed cum tussi e profundis thoracis reiiciebatur, non nisi ex ipsis pulmonibus, et quidem dextro eorum lobo, uti dolor indicabat, oriri poterat.

THES. VI.

*Sudores
coacti et
nimii.*

In tantis angustiiis praecordiorum, ubi neque in corde, neque pulmonibus, aliisque uisceribus uicinis sanguis liberum suum motum inuenire poterat, mirum non erat, quod in transitu suo adeo impeditus in se magis incalcescat, eoque ipso serum in halitus illos uaporosos eius, seu sudores excessiuos et colliquatiuuos fere et continuos redigeretur.

THES. VII.

Imo quoniam, uti antea uidimus, tota san- *Purpura*
guinis massa salibus peregrinis abundabat, *scorbuti-*
partes eorum subtiliores una cum sero qui- *ca.*
dem expellebantur, sed sub cuticula densiore
ab aëre ambiente rursus condensabantur, unde
fit, quod glandulae illae subcutaneae intumes-
cant, rubescant, et purpuram diuturnam scor-
buticam, absque tamen febre, constituent. Hu-
ius enim purpurae scorbuticae ea indoles est,
ut per eandem, tanquam crisin quandam, licet
imperfectam, impuritates quaedam salinae sub-
tiliores excludantur, et symptomata scorbuti-
ca quodammodo mitigentur, causa tamen ra-
dicalis, id est salinae fixiores et crassiores partes
non tolluntur, unde etiam fit, quod aegros
suos diutius comitetur, modo augeatur, mo-
do imminuatur, pro diaetae et uitae ratione;
et nisi febris accedat, per plures menses, imo
annos durat.

THES. VIII.

Atque ex his iam satis apparet, in quanto *Cura ne-*
uitae periculo aeger hic uersetur, et *cessaria.*
quantum spei sanitatis recuperandae adhuc

superfit. Nihilofecius, quoniam charitatis christianae leges nullis aegrotantium, etiamfi desperatis et prorsus incurabilibus auxilium denegare iubent, et ubi malum tolli penitus nequit, symptomata tamen mitigari et vires recreari possunt, ideoque necessum hic erat, ut cura hic ante omnia ad sanguinis biliosi acris correctionem, impuritatum uero ferosarum euacuationes dirigeretur; eo ipso quoque ulcus pulmonare abstergatur, mundetur, ulterior corruptio impediretur, inflammationi, feбри, sudoribus nimis, aliisque symptomatibus, quantum possibile, resisteretur.

THES. IX.

Per alterantia.

Ad sanguinis et reliquorum humorum correctionem prae caeteris proficua uidebantur decocta et infusa e Radice Chinae, Ireos flor. helenii, pareir. brau. polypod. q. liquirit. farfar. c. tot. Herb. Agrimon. Arnic. scabios. beton. plantag. acut. hyssop. rorellae et similibus balsamicis, utpote quibus tepide, loco Theae haustis, simul expectoratio et absterfio ulceris pulmonaris promoueri, ac ulterior corruptio inhiberi potest. Quibus tamen

men etiam Effentiae et Misturae ex eiusmodi plantis balsamicis, in specie Elixir. pectorale balsam. asthmat. Mich. Effent. balsam. peruvian. eiusdemque Syrupus, magistralis dictus, et similia iungebantur. Imo ut acredo humorum mitigaretur et inflammatio ac febris praecaueretur, interponi debebant pulveres et potiones alterantes et absorbentes e Lap. 69. Matr. perlar. Corall. Ebor. Antehect. Poter. Croco otis, in specie pulu. alter. antehect. et electuar. antiphtific. DN. D. PRAESID. Nec uenae sectio repetita ob easdem causas, imprimis quoque ad haemoptysin praecauendam, mittebatur.

THES. X.

Hisque interponere necessum erat blanda *Per laxantia.* laxantia ex Decoct. fol. fenn. cum liquirit. Rhabarb. et pulveres e Gialapp. Mechocacann. alb. cum \odot depurat. ato item Pilul. e gummat. c. $\&$ d.

THES. XI.

De caetero tamen etiam opus erat, ut uentriculi et reliquorum uiscerum ratio ha- *Et confortantia.* beretur,

beretur, eorundem tonus, digestiones et secretiones, quantum possibile, conseruarentur et instaurarentur, ne subinde nouae impuritates et cruditates generarentur: Cui scopo, praeter priora commendata, etiam sequentia, obseruata, tamen simul meliori diaeta, nimirum Essentiae antiscorbuticae et stomachicae temperatae cum spiritu sal. uel vitriol. dulc. auctae inseruire poterant: Quibus omnibus etiam, secundum indicationes debita quantitate, tempore et modo prudenter et constanter usurpatis, effectus salutaris sequebatur, adeo, ut licet purpurae, scabiei instar perduret, Aeger tamen remittentibus reliquis symptomatis adhuc sat bene ualeat et uiuat.

OBSERVATIO II.

Vir Illustr. sexaginta fere annorum temperamenti sanguineo-phlegmatici, et habitu corporis laxiori praeditus, licentiore quodammodo et delicatiore in iuuentute diaeta educatus, postea uitae sedentariae et curis publicis deditus, passionibus hypochondriacis, praecordiorum angustia, cardialgia, asthmate, obstructionibus alui, nec non doloribus capitis grau-

grauatius et arthritidis uagis affligebatur : Quibus deinde aurium strepitus et tinnitus, auditus difficultas, nec non uertigo, obstructio narium continua cum stillicidio feri et sputi copiosi reiectione accedebant ; Hinc apoplexiam aliaque mala grauiora metuens, consilium et auxilium efflagitabat.

THESIS. I.

Ex hac relatione ingens rursus complicatio plurium morborum et symptomatum patescit, eoque ipso iudicare licet, quam difficulter et quanta circumspectione aegri tales curari possint. Fundamentum uero et principium primum horum malorum omnium procul dubio temperatura ipsius sanguineo-phlegmatica et constitutio corporis laxior fecerunt, quibus deinde educatio licentior et diaeta delicatior accessit. Haec enim singula, licet per se non adeo noxia uideantur, tamen quam maxime etiam nocere possunt, nisi cum prudentia moderentur et digerantur. Non imnus fieri potest, ut alimenta et potulenta, etiamsi in se satis bona, nisi debita quantitate, tempore et modo adhibentur, a uentriculo teneriore et laxiore, qualis in Aegro

*Causae et
origines
horum
malorum.*

Aegro reperiēbatur, minus recte digerantur, nec non reliquis uisceribus depuratoriiis et secretoriis satis perficiantur; exinde cruditates et impuritates in uisceribus reliquis aequae laxis non solum diutius, quam par est, retinentur, spifcescunt, acescunt, aut plane putrescunt, sed eo ipso quoque nouis quotidie cruditatibus occasionem et fomitem praebent, praepremis, quando uita sedentaria, uti in hoc aegro nostro, et animi pathemata accedunt. Quemadmodum enim motus et exercitationes corporis, si recte instituuntur, prae omnibus aliis calorem uitalem excitant et conseruant, eo ipso digestionēs et secretionēs omnium uiscerum optime promouent, ita e contrario, deficientibus illis, cruditates augentur, cumulantur, inter se fermentescunt, fermentescendo flatus et passionēs hypochondriacas omnes excitant. Animi quoque pathemata grauiora interuenientia, imprimis ira, propter uehementēs commotionēs animi, eo magis motum sanguinis et reliquorum humorum confundunt, eorum digestionēs et secretionēs in uisceribus depuratoriiis, praecipue bilis colatoriiis, hepate et liene impediunt, atque sic oleum quasi igni addunt, et malum malo augent.

THES. II.

Humores et imprimis flatus eiusmodi acres, *Cardial-*
nidorosi in uentriculo et intestinis col- *giae et*
lecti et conglomerati necessario orificium eius- *praecor-*
que partes uicinas nerueas rodunt, irritant et *diorum*
sic cardialgiam, in intestinis uero et imprimis *angustia.*
colo accumulati, ea admodum distendunt par-
tes omnes uicinas, in specie diaphragma eo-
rundemque nervos premunt, uellicant, unde
ubiuis motus spasmodicos, anxietates istas prae-
cordiorum et respirationem difficilem effici-
unt; praecipue post cibum sumptum quando
ob digestiones turbatas, flatus cumulantur
circa uesperam, ubi propter aërem tum tem-
poris densiorem et corporis quietem fuligi-
nes tales discuti et transpirare nequeunt.

THES. III.

Eaedem impuritates uiscidae, salsae, quoniam *Nephri-*
diuturnitate temporis etiam massam san- *tidis et*
guinis et reliquorum humorum inquinant, *Arthriti-*
fieri non poterat, quin ab eorundem acrimo- *dis.*
nia partes membranosae et plexus nervosi in
lumbis et articulis grauitur irritarentur,
indeque dolores nephritici excitarentur,
C
iique

iique modo uagi, quando ab animi pathematibus. uel etiam medicamentis salia mouebantur, modo fixi, quando ob uisciditatem nec non aeris constitutionem densiorem magis stagnabant.

THES. IV.

*Doloris
capitis.*

Sed multo magis affligebant dolores capitis grauius, ab eiusdem sanguinis et feri uiscidi, acris uersus caput et cerebrum congectione et stagnatione oriundi. Nullibi in toto corpore serum eiusmodi morbosum, uiscidum et falsum magis restitare solet, quam in capite eiusdemque membranis et meningibus, imo ipso cerebro. partim propter summam ténertatem, exilitatem et angustiam uasorum omnium, eorundemque plexus mirabiles, partim etiam, quod caput aëris mutationibus et iniuriis magis pateat: Quando igitur succi isti liberum in iis transitum et circuitum inuenire nequeunt, necessario eorundem membranas premunt, distendunt, uellicant, aut plane erodunt, et dolores inducunt plus minus acutos, uel grauius pro maiori uel minori copia et acrimonia feri, partiumque laesarum ténertudine.

THES.

THES. V.

Ab eadem colluie serosa, circa auditus organa restitante, dependebat quoque auditus *Difficilis auditus.* difficultas, saepe tanta, imprimis tempore pluuioso et frigido, ut nullum fere sonum aeger percipere posset; Auditus siquidem requirit non solum succi spirituosi liberum per neruos auditorios influxum, sed quoque membranularum et fibrillarum debitam siccitatem et elasticitatem, ut a sono quocunque allabente membrana tympani tremorem recipere, et tremorem receptum, per neruos auditorios ad thalamum eorum transferre possint, id quod in nostro aegro fieri non poterat, quamdiu nerui auditorii fibrillae nec non muscoli interni et membranulae a feri colluie obruebantur et relaxabantur.

THES. VI.

Eadem colluies serosa manifestabat se satis in glandulis et membranis faucium et na *Coryzae et salinae largae.* rium per Coryzam diuturnam et sputum copiosum, quae tamen minus periculi habebant, quoniam causa mali eo ipso potius imminuebatur, modo natura debitis remediis adiuuaretur;

Vertigo. Sed uertigo frequens indicabat motum, itus et re-
ditus succi neruei quoque intra ipsum ce-
rebrum ab eodem fero ibidem restitante im-
pediri, unde, omnino in Apoplexiam, quam
metuebat Aeger malum degenerare potuif-
set, nisi remediis sequentibus, methodice
adhibitis, curatus fuisset.

THES. VII.

*Therapia
instituta.*

*Per alte-
rantia
appropri-
ata.*

Quoniam scilicet mala ista omnia a caco-
chymia ferosa, uiscerumque digestori-
orum obstructione et praua digestionem origi-
nem suam habebant, ideo praecipuam
curam eo statim dirigendam esse, ipsa ra-
tio suadebat, mediantibus eiusmodi remediis,
quae cruditates et impuritates uiscidas, aci-
das, et fallas corrigunt, resoluunt, eo ipso
obstructiones uiscerum relerant, uiscera
ipsa roborant et digestionem eorum promo-
uent. Qualia sunt Essentiae amarae balsamic.
stomachic. carminat. DN. D. PRAESIDIS,
Essent. anthos. Castor. Elix. propr. c. et s. a.
Vitriol. Mynsicht. Clyff. alcal. Spirit. Nitr. et
Sal. dulc. Recip. Essent. Carminat. Castor.
ana. unc. l. Elix. prop. Spirit. Nitr. dulc.
ana

ana. drach. ij M. dentur singulis tribus horis LX.
gutt. uel ultra R Eff. Carminat. unc. j. Cort.
Aurant. rosmar. ana. unc. § Spirit. Vitriol. dulc.
drach. ij. Misc. det. 80. gutt. inter cibandum. Ho-
rum effectum non parum promouebat uinum,
quo alias delectatur, sed medicatum, ex eiusmodi
balsamicis et tonicis compositum. R Rasur. L.
Sassafr. unc. §. Rad. Helen. Gentian. ana. unc.
j. galang. Cort. arantior. Select. ana. drach.
ij. Cinam. acut. unc. §. Summitat. Rosmari-
ni mjj. praeparentur ad chartam pro $2\frac{1}{2}$ men-
sur. Vini ante prandium et coenam sumen-
dum. Gaudet Rosmarinum egregio sale uola-
tili oleoso balsamico et suaui, non solum exsic-
cante et resolvente, sed etiam tonum uiscerum
omnium, ipsiusque cerebri & neruosi gene-
ris corroborante; unde in affectibus eiusmodi,
a phlegmatis copia, uiscerumque laxitate oriun-
dis, mirifice prodest, modo iusto tempore et
loco adhibeatur, R Ras Sassafr. unc. §. fol.
meliss. rosmarin. ana. Mij. flauedin. citri drach.
ij. M. loco Theae usurp. R Aquae faenicul.
chamoem. compos. Menth. S. V. ana unc. ij.
Carminat. Cinam. opt. ana. unc. §. Spirit.
Nitr. dulc. drach. j. Syrup Cort. Arant q. f.
Misc. det. cochleatim, quandocunque flatu et

tormina uentris adfunt. Vel ꝛ Aquae. serpill. comp. D.N. D. PRAESID. ꝑij. edulcor. sacch. q. f. det. eodem modo.

THES. VIII.

Per laxantia debita.

Hisque et similibus diligenter continuatis, praeterea necessum erat, ut impuritates serosae blandis laxantibus, e. g. Pilul. de Gummat. de Succin. Craton. correct. Aleophangin. uel Magistral. D.N. D. PRAESIDIS, conueniente Dosi per interualla adhibitis euacuantur. Item Recip. pulu. Gialapp. opt. Trageae aromat. ana. scrupul. ꝑ. Resin. Scammon. gr. ij. uel iij. Misc. det. in uino; qualis puluis serum efficaciter ducit, nec uentriculi tonum laedit.

THES. IX.

Per sudorifera.

Imo quoniam feri copia iam tum caput et cerebrum occuparat, ibidemque per nares et aures exitum quaerebat, consultum erat, ut exitus illius promoueretur per resoluentia interna e. g. Liq. C. C. succin. Spirit. bezoard. Sal ammoniac. anisatum et similia ꝛ Effent. rosmarin. unc. j. Succin ambr. sal. uol. oleos. ana drachm. ij. M. dos. L. LX. gutt. His addebantur quoque errhina blandiora,

diora, itemque masticatoria et gargarisimata tepida, nec non frictiones capitis et nuchae, ad *Per Errhina et Vesicatoria.* promouendam coryzam et saliuam. Ab auri-
bus uero, quoniam locus ille minus conueniens erat, quantocyus per dicta resoluentia, et cum periculum sit in mora, simul per uesicatoria, scapulis et nuchae applicata, abstrahabatur. Venae sectionis uero hic nullus usus erat, nisi forte febrilis dispositio aut inflammatio interna superuenerit.

THES. X.

Reliquis symptomatibus, passionibus nimirum hypochondriacis, praecordiorum angustiae, alui obstructionibus aliisque, antea iam commendata alterantia, laxantia et carminatiua satisfaciebant. Insultibus et doloribus arthriticis resistendis et mitigandis praeter priora quoque Decoct. et infusa antiscorbutica balsamica e. g. Rad. Chinae, Sassaaparill. Aristoloch. long. Cichor. Helen. Liquirit. herb. trifol. fibrin. chamaedr. chamaepyt. etc. et pulueres neruin. Cephal Mich. antispasmod. DN. D. PRAESID. cum arcan. dupl. Nitr. antimon. et depurat. etc. inferuiebant. Ita per Dei gratiam Dn. Aeger ab apoplexia adhuc immunis uiuit.

OBSERVATIO III.

Aeger sexaginta circiter annorum, antea temperamenti sanguinei et robustae alias constitutionis, genio suo imprimis, cibis acidis, muria et sale conditis delectans, nunc uero senex phlegmaticus, ob curas multas et terrorem grauem, ab incendio periculoso in uicinia orto eo statim tempore sentit languorem totius corporis, anorexiam, mox inflationes hypochondriorum, cardialgiam, asthma et nephritidem: tandem quoque accedit totalis cachexia, facies pallida, tumor pedum oedematosus et per uices diarrhaea serosa, nec non indicia hemorrhoidum. Vnde adhibentur quidem remedia uaria, sed absque leuamine, quin potius priora symptomata augebantur, imprimis asthma, noctu magis urgens, cum stertore, ut suffocationem et catharum suffocatiuum metuat; igitur consilium et auxilium subitaneum efflagitabat.

THESIS. I.

Prognosis. **R**espondebatur affectum hunc omnino maxime periculosum et curatu difficillimum fore

fore, non solum propter syndromen Symptomatum multorum, nempe malum hypochondriacum seu, obstructions uiscerum inueteratas indeque ortam cacochymiam, tonum quoque illorum omnium debilitatum sed etiam senectutem grauiorem, quae per se morbus est, ingruentem Monebatur igitur ante *Dietam* omnia, ut obseruata impofterum meliori di- *necessaria.* aeta, ab omnibus acidis, acido falsis, uiscidis, flatulentis et obstruentibus, tam alimentis, quam potulentis abstineret, e contrario uero alimenta boni succi facilisque digestionis, nec non potum tenuem defecatum et lupulatum, eumque uesperis parcius sumendum eligeret.

THES. II.

Deinde opus erat remediis selectioribus, *Cura ipsa.* quae obstructa uiscera illa aperirent, tonum eorum simul, quantum pro ratione aetatis istius licet, restituerent, impuritates sensim et leniter per uias debitas euacuarent, eoque ipso symptomata non solum praesentia mitigarent, sed et imminetia alia praecauerent.

THES. III.

*Per alte-
rantia et
aperitiua.*

Priori et posteriori indicationi ut satisficeret, commendabantur prae caeteris Elix. prop. f. a. rhabarbarat. cum uino hispanic. et arcan. Tartar. liquid. praeparatum Elix. asthmat. Mich. et similia. & Essent. mart. Zwelffer. uel Ludouic. helleborat. unc. j. Elix. prop. f. a. Liquor. terr. fol. Tart. ana drach. ij. M. Recip. Lap. Cancr. Corall. praep. Arcan. dupl. uel Sal. plantar. ana drach. ij. Cinnab. natiu. drach. j. M. f. pulueres aperitiu. ad scrupul. ij. pro dosi, item uinum medicatum. e Rad. Helen. Raf. L. Sassafr. summitat. centaur. min. absynth. nec non infusum et decoct. e Rad. Cichor. sylu. Helen. Polypod. Liquirit. Herb. ueron. loco Theae usurpandum etc. medantibus quibus aliud simul laxior fiebat et expectoratio optime promouebatur.

THES. IV.

Per laxantia.

Hisque simul ad impuritates serosas euacuandas iungebantur blanda laxatiua, ex
Aloe,

Aloe, Rhabarbar. Gialapp. Mechocann; pilul. Francofurtens. Aleophangin. Cachect. D. PRAESIDIS et similibus, quae Haemorrhoidum fluxum promouere poterant. Idem enim fluxus omnino in eiusmodi aegris cachecticis, ubi sanguis adhuc abundat et turgescit, in uisceribus tamen obstructis liberum transitum inuenire nequit, omnibus modis promouendus et ita curandus, ne inflammatio, exulceratio aliaque mala exinde oriantur: Propterea tamen non putandum, quod omnibus aequae prodesse possit: Est naturae beneficium, non profanis, sed cacochymicis, obstructione uiscerum laborantibus, et si caetera paria, nulla uero contraindicantia adfuerint.

THES. V.

Quod uero Diarrhoeam, per interualla interuenientem attinet, ea quidem salutaris putari poterat, ad euacuandam ferimorbofi copiam, quae alias in hoc aegro hydropem et catharrum suffocatiuum minari uidebantur: sed quoniam uentriculi et intesti-

Tonum uentriculi conservantia.

D 2

testi-

testinorum debilitatem et laxitatem arguebat, imo augere poterat, ideo non quidem supprimenda, quin potius per stomachica balsamica moderanda erat. ℞ Essent. Carmi-
nat. Absinth. compos. Menth. balsam. ana
unc. ℥. Spiritus Vitriol. dulc. drachm. ij. M. f.
Mistura stomachal. etiam inter cibandum su-
menda.

THES. VI.

*Asthma et
Cathar-
rum suf-
focati-
um prae-
cauentia.* Hisque omnibus diligenter adhibitis et
continuatis, etiam asthma et periculum
catharri suffocatiui sensim remittebant, adhi-
bita simul Mistura eiusmodi praeservatoria.
℞ Aquae Asthmat. uel Serpill. composit. Car-
minat. ana unc. iij. Spirit. ☉ dulc. drach. ij.
Syrup. Balsam. peruuiian. q. l. M. St. Mistu-
ra cochleat. sumenda, quandocunque ne-
cessitas requirit. Tantum hac
uice

S. D. G.

